

Filipos anuabu Paulõ hatu kene bumanikiaki

FILIPENSES

Paulõ hatukiri xinānikiaki, na hātẓarā

1 ¹Ē Paulo inū Timóteõ, Jesus Cristõ tsumapā, mā habū Jesus Cristo ikūwaību Filipos anuabu inū, habū matu mekemisbu inū, matu merabewamisbu mā dasibi Jesus Cristoki dasiabu nū matu kene bumai uīrakāwē. ²Nukū Epa Deus inū nukū Shanē Ibu Jesus Cristõ hau matu unānuma hiwemakī pewakī matu duawapakekubainūbūwē.

Paulo ikūwaībuwē nuikī Deus hatu yukashūkubainikiaki, na hātẓarā

³Hawēẓxaīs matukiri xinākī matuwē taeshū ē Epa Deus ē kēwākubaīmiski. ⁴Hanushū habe hātẓxai benimakī matu dasibikiri ē matu yukashūkubaīmiski. ⁵Deusū kakape hawē bakekiri matu anu hiki taeshū ē matu yusīa nīkakī ikūwātā ebetā txibākī ea merabewanishū hawa heneama natiā mā apakeaī. ⁶Eā ē matukiri xinānā, haska Deusū hawē daya matu anushū taewanishū haska abuai keska mā ikūwaī Jesusū matu hiwemakubaīkī niti akama matu pepa wakubaīshanikiki, hanu Jesus Cristo txītūkiranaītianā. ⁷Txanima eā ē matukiri pe xinaīnā, matuwē nuikī ē matu abuhairai. Maturi dasibi mā ewē nuiaya Deusū matuwē ea duawaikiki. Natiā ea bitximabu keska nia shanē ibubu bebū hawa hatū yunutikiri ē hātẓxisma eska besti yui ē txakabuisma pekiri hātẓxai Deusū kakape Jesus Cristokiri hatu unāmakī hakiri shabakabi ē txanikūkainaya mā ea merabewai ebetā teneai keskakubaīkanai. ⁸Haska inū, matube dasibi haibunaī nū pekubainiburā, Deusū nuku unaīkiki, Jesus Cristõ nui duapa ea inā ē matu ashuniwē taea matukiri ē hakimaismaki. ⁹Deus yukakī matu ea ashūkinā, hau hawē nui itxapawē matu ewawakī hau apakenūwē, heneamarā. Haska wakī Deusū matu unānēpa wakī nīkanika hau matu wakubainū, iwanā, ē matu yukashūmiski, ¹⁰haska pepa besti

abuai mā katukubainūbunā. Haskai hiwekī matū hiwea shūpī hawa txakabuma ewakaini hawa txakabuki huti ika keskama nukū Shanē Ibu Cristo huriamakē mā pepa hiwekubaītirubuki. ¹¹Ha dikabi matu mā hatu bebushunaibunā, Jesus Cristowē taeshū hawara pepa mā akai tsuabūra uīkī Epa Deus duawakī kēwāshākanikiki.

Paulō Jesus Cristō kakape yusīkubainikiaki, na hātcharā

¹²Ē betسابu inū ē puibuū, ē bika betsa betsapā teneai anu bebirā bebiranaibu txanima kayabi haska yura betsa betsapabū Deusū kakape Jesus Cristokiri nīkabirābirāmisbukiri matu yuinū nīkakāwē. ¹³Haska Roma shanē ibū hatu binūatū hiwe ewapa hawērua anuabu soldadobū ea mekemisbu inū yura betsa betsapabū ea uīkī hanu ea pewayamabu anushū Cristokiri kakape ē hawē hātcha txaniai dasibibū ea nīkamisbuki, ha meketi hiwe anu ē hiwe anushunā. ¹⁴Na ea nenu eska wayamabu ewē dateama itxapabū Cristo ikūwākī hawē kakapewē benimakī dateama hūiti kuxitā nukū Shanē Ibuki txiti itā Deusū kakape hatu yusīkubaūkanikiki.

¹⁵Huni betsa betsapabu hatū hūiti pepa hayabu Cristokiri yura betسابu ikūwāmanū, iwanā, pe yusīkanikiki. Hakia hatiritū ea binunū ika eki sinatai keī pashkatā yusīnanāriakanikiki. ¹⁶Txanima nenushū Deusū bakekiri ē pe yuikubainū Deusū ea nenu yunuyamakē habu ewē nuikī ha Cristokiri daya ē henebiranima habū ea merabewakī kakape datā akī heneama yusībaūkanikiki. ¹⁷Hakia hatiritū akinā, anikabia kēkī mestēwātā akama pepabiakī ea binunū ishū habū haska wakī ea ana bika tenemakubaīkanikiki. ¹⁸Haskai buwē taearā, earā, ē hatuwē nui ē hatuki sinatamakī, xinā pepawē txaniaibu kasmai xinā pe mirīwē Cristokiri kakape txaniaiburā. Haskabaūkī ea benimawakanikiki.

Ē benima keyuriamarā, ¹⁹mā ea Deus dayashuniwē taea tsuki ē dakeamaki, hatū ea mekeawē taearā. Haskakē tsuabūra berubi hawa hakiri dakeama natiā ē hiweawē inū ē mawashūshanaiwē Cristo kuxipahaira ewē dasibibu ē hatu uīmayukatsis ikaii. Haskawē taeshū Jesus Cristō Yushīnī ea merabewakī ea kaīmashanai xinaī ē benimakūkainaii. ²⁰Haska inū, Deus dayashuni tsuki ē dakeamaki, hatū ea mekeawē taearā. Haskakē tsuabūra berubi hawa hakiri dakeama natiā ē hiweawē inū ē mawashūshanaiwē Cristo kuxipahaira ewē dasibibu ē hatu uīmayukatsis ikaii. ²¹Natiā ē hiweyuarā, Cristo ē hiweshūyukūkainaii. Hakia hawē taea ē mawarā, ē nenu hiwemis binuaki. ²²Na ē yurawē ē hiweyukūkaīkinā, hawē dayakī yurabu itxapa ē hatu ikūwāmatiruki. Haskakē ha dabe ē katutirumahairaki. ²³Eā ibubis haska dabe ē katuarā, bikahairaki. Ē xinānā, mawatā ē Cristobe ma hiwei kai pehairaki, enarā. ²⁴Hamē betsarā, matu merabewayunū ika ē hiweyuarā, peyuaki. ²⁵Ē haska matukiri xinaīwē taea haska mā Jesus

Cristo txibaikiri matu merabewakī matu benimawakatsi iki ē matube ana hiweyui katiru ē xinaii. ²⁶Matu anu ana haska kaixishū ē matu yusiayā ewē taea benimai mā tse ishanaii, Jesus Cristo kēhairawairā.

Jesus Cristo ikūwai bika tenetikiri Paulō hatu yusinikiaki, na hātcharā

²⁷Natiā mā hiweairā, Deusū hawē bakekiri kakape unāi haska hiwekūkaītikiri benai na keska bestiwē hiwekubaikāwē. Haska ē matu uīkatsis ikai inū matu anu ē kamakē matukiria matū kaka huai ē matukiri nīkakatsis ikaii, haska mā txītuāma inū mā ma dasi keyushū bika tenebiai heneama matū xinā kuxipawē ikūwai mā Jesus Cristo txibaibunā. ²⁸Habu matuki sinataibuki e iki dateyamakubaikāwē. Habu matuki haskabiabū mā pe hiwekī hatu uīmakubaīmiswē taeshū Deusū hanu shabakabi hatu kupikī habiatiāri matu bestī mekeshanikiki. Deusū haska wakī shabakabi hatu unāti wamashanikiki. ²⁹Deusū hawē pepawē matu kenakī katushū ikūwāmanirā, ha bestī ikūwai pepa bestitimaki. Habiaskariai Cristowē bika mei nuitapariatiki. ³⁰Haskakē ea inū maturā, nū bika tenekanaii. Haska uatiā ē ikai mā uīnirā, na habiatiāri Cristo dayashūkī hamapai bika betsa betsapa ē tenekubainai mā ekiri nīkakubainai.

Ikūwai bu xinānānāi hiwetikiri hatu yununikiaki, na hātcharā

2 ¹Cristō hawē kuxipa matu inākinā, hawē xinā txākākaīti matu ināniki. Mā nui haya matū betsabu ha xināwē matu yunua mā hatu daewatiruki. Tsuara mā Cristoki dasiarā, habias Yushī mā haya ikūwai betsabuwē hatuya nui mā kashakūkaītirubuki. ²Haska dasibi binunānāma habiaskas pashkama mā hiwearā, habias nui mā haya inū, habias Yushī mā haya inū, habias xinā mā haya ea nīkamakī ea benimawakubaikāwē. ³Na haska hiwekaīkinā, yurabu binunū iki keāma hakia babutā bestibu: “Ea dukū ē bebui pepakainaii”, ikī xināma: “Betsabūri ea maemai ē hawamaki”, ikubaikāwē. ⁴Haska inū, betsarā, hawara mā akai inū mā biairā, matunas bestikiri xinākī mā amis akama hakia ikūwai betsa shabakabi hatu uīmariakī hawara akaibu hatu merabewakī ashūriakubaikāwē.

Jesus Deus keskabia hawē tsuma keska hiwekūkainikiaki, na hātcharā

⁵Tsuabūra Jesus Cristokiri haska mā xinaīnā, haska Cristō xinākubaini keska betsabukiri xinaīrakubaikāwē.

⁶“Cristo Deus itsabia haskas xinaī keāma hiweniki.

⁷Hawē kuxipa beshtekekī heneyubirā
nuku keskakī nukū yura bitā
na mai anua dasibibu merabewai
habū tsuma ikūkainikiaki.

- 8 Hamebi babutã hawẽ Epã yunua txibãkubaini
mawanũ ika ikũkaini cruzki dunua mawaniki.
- 9 Haskawẽ taeshũ Deusũ kẽhairawakĩ hatu binu keyumakĩ
kena kuxipa pepa tsua haska hayama Jesus inãniki,
- 10 hau ha Jesusũ kena nĩkatã dasibibu nai anua inũ,
mai anua inũ, hanushũ mawabũ yushĩ manamisbu anushũ
habũ kẽwaĩ dãti itã
- 11 dasibibũ unãki:
‘Jesus Cristorã, txanima dasibibũ Shanẽ Ibu Yavẽki’, ikĩ
Epa Deus kuxipa kẽwãshãkanikiki”.

Cristõ nuku hiwea inã hetetimakiri Paulõ yusĩnikiaki, na hãtxarã

12 Ë betsabu inũ ã puibuũ, matuwẽ ã nuiaya mã ã hãtxa txibãmis
heneama akubaĩkãwẽ, ã matu uĩayã mã amis keska inũ, ã matu uĩyama
txaihaira ã hiwebiakẽ ea nĩkakĩ txibãriakinã. Hawa kaneama uke merã
hawara matũ hiwea Cristona wamakĩ mã inãni Cristoki mesekĩ heneama
hawẽ mekepakekãwẽ. 13 Matũ hiwea mã ma Cristo inãniwẽ taeshũ xinã
betsawẽ Deusũ matu benimawakĩ haska matuwẽ dayakĩ hawẽ xinã pepa
tashnimaya haska abuai keska matu amakĩ merabewaya shabakabi
ashũkubaĩkãwẽ.

14 Mã ma haskarã, ana tsuabura nãtakeabuki nĩkabumabiakẽ matũ
hãtxa hamẽ ha ikĩ txakawama inũ ana ha irabeama pe hiwekubaĩkãwẽ.

15 Mã haskai hiwea matu tibi mã txakabuma inũ mã kaneisma haska
Deusũ bakebui ha yura txakabubu inũ atimapabu anua mexu nea
keskama mã hatube hiwearã, bixĩ kuxipa txashai hawẽ unãbaĩti keskakĩ

16 matubunã, Deusũ kakape hiweakiri hãtxa hatu unãmakubaĩkãwẽ. Mã
haskaya ea ã matu anu hamẽ dayai kama iniwẽ taea ea matuwẽ keĩ ã tse
iki ã benimashanaii, hanu Cristo ana huaitianã. 17 Ë hiwea ã matu inãni
keska wakĩ ã matu ikũwãmaniki. Matũri ikũwãkĩ matũ hiwea mã Deus
inãkuĩyaii. Haskawẽ taea ã hiwea yauxiama mawakinã, hau mã ikũwãkĩ
heneyamanũbũ ã hiwea Deus ã matu inãkuishũtiruki. Ë matu haskashuni
ã benima paewẽ dasibi ã matu yuiaii. 18 Maturi benimarikãwẽ, ã ikai
keska xinaĩ ewẽ benimairã.

Filipo anu Timõteo nitxĩkatsi inikiaki, na hãtxarã

19 Nukũ Shanẽ Ibũ haska xinãyã matu anu Timõteo yunukatsi haska
ã xinaĩ, hau matu nĩkatãkĩ matũ kaka beshũ ea benimawayushanunã.

20 Haska matukiri ã matu xinaĩ keska inũ ã matuwẽ nuimis keska tsuã
matukiri pe xinãma txanima tsua betsa hayamakĩ. 21 Ha betsabũ Jesus
txibãbiai hatunas bestiwe nuikĩ xinãkanikiki, haska Jesus Cristõ abuai
keska akamarã. 22 Timõteo ã bake keskai ebe hiwea dayakũkaikĩ kakape
Jesuskiri ebetã yusikĩ ea merabewakubaĩmis hawẽ hiwea mã unaii. 23 Ea

haskara washanaibu hatũ matu unãmai hau ekiri matuki txani kanũ ha ã matu anu nitxĩkatsis ikaii. ²⁴Haska kasmai ea kayabis kashũ ã matu uĩ katirumẽkaĩ, ishũ haska nukũ Shanẽ Ibũ xinã besti ã manaii, hawaira kanũ ishũ xinaĩnã.

Filipo anu Epafrodito ha dikabi nitxĩkatsi inikiaki, na hãtxarã

²⁵Ha dikabi ha dabe ã hatukiri xinaĩnã, nukubetã ikũwaĩ Epafroditõ hau ea merabewanũ mã eanu nitxĩma ea merabewai ebe dayai bika tenekũkainai Cristokiri kakape yusĩmis ana matu anu ã nitxĩyukatsis ikaii.

²⁶Haska isĩ teneaikiri mã nĩkaimabu hawẽ taea hakiri xinaĩ mã hawẽ punu nukaxina haska xinaĩ matuwẽri nui hari matu hakimamariki. ²⁷Txanima ikimaki, isĩ paepa bitã tenei mawakeanirã. Hakia Deus hawẽ nuikĩ ewẽri nuiriakĩ hau ana ea bika betsa tenemayamanũ Deusũ shushawaimaki. ²⁸Haskawẽ taeshũ matu anu hawa ana tea wama ã matu nitxĩshunaii, ana matu uĩma uĩ mã benimaya ana ã matuwẽ punu nukuyamanunã. ²⁹Nukũ Shanẽ Ibwẽ taea nukũ betsa Epafrodito kai benima paewẽ ikĩ peirawashãkãwẽ. Ha inũ, tsuabura ha keskaburi abukĩ hawẽ hãtxa nĩkanũ ishũ hatu ikubaĩkãwẽ. ³⁰Tsuã mã ea haska watirubumahairabiakẽ Epafrodito ewẽ taea hawẽ hiwea yauxiama mesebiakẽ Cristo dayashunaiwẽ taea ea merabewai huima isĩ paepa bitã mawakĩ txanima nuku shunũkeanimaki.

Paulõ hiwea shenirã, hamẽkiaki, na hãtxarã

3 ¹Ë betsabu inũ ã puibuũ, Jesusũ nuku mekeawẽ taea benimanãkãwẽ. Ë matu yuiyamarã, habiaskari ã ana matu keneshunairã, enarã bikamaki. Matu keneshũkinã, mã hawẽ hiwenũ merabewakĩ ã matu ashuaii. ²Ha huni yusĩnã meketikiri parananaĩ itxakanikai daya pepa wanikapaikĩ matu yusĩkĩ judeubu keska matu hiwemanũ ika ikanikiki, dateyamakaĩ matũ hina kubitxi meshtemanũ ikarã. Matu haska wanũ ikaibu uĩrakãwẽ. ³Haska nũ yunu kayabiaiburã, nũ nukuki, nũ habũ Deus kẽ kayabi waiburã. Jesus Cristõ ma nuku pewashuniwẽ taeshũ Deusũ Yushĩ Papatũ nuku kuxipa wakĩ merabewaya hawara nukũmebi nukũ yura anua hina kubitxi bemakisa nũ meshtemis keskawẽ nũ kêtirubumaki.

⁴Earã, haska xinãti dabanẽ emebi keĩ ã yurakiri inũ ã hiweakiri dasibibu ã binutiruki. ⁵Deusũ Abraão yununiwẽ taeshũ ã kaĩxina oito shabatã ã hina kubitxi ea meshtenibuki. Ë Israelĩ baba betsa Benjamim shukua anua eari ã kainiki. Haskawẽ taea ã ibubu Hebreokẽ eari ã Hebreoki. Ha inũ, hawẽ hãtxa Deusũ Moisés yusĩni txibaĩ dasibi betsabu binui ã fariseu iniki. ⁶Ha inũ, Deus duawanũ ishũ Jesus Cristo ikũwaĩbu ã hatu itxakahairawayukubainiki, haska dabanẽ ã xinã ã unãnepaiwenã.

Ha inũ, Deusũ Moisés yusĩni ikũwãkĩ txibaĩ hawa kaneama ẽ pepahairakũkainaya ekiri hawa txakabu tsuã yuitiruma inibuki.

⁷Na haska tibi Moisés yusĩa txibaĩnã, ẽ haki txiti ikarã, enarã, ewapa benuisma ẽ xinãniki. Hakia natiã Cristowẽ taearã, ẽ ana hawẽ teatirumaki. ⁸Haska tibi hayai ẽ hawẽ kuxipa biakũkaini natiã ẽ uĩanã, hamẽki. Jesus Cristo ẽ mekenã wakĩ ẽ unãinã, hawenarã, binuhairaki, ẽ Shanẽ Ibu kayabirã. Haskakẽ Cristowẽ taeshũ dasibi hamapai eanua txakabu ẽ benu keyuniki. Haska wakinã, ẽ hiwea sheni txaka keska wakĩ henetã hanua haki maei ẽ hawẽ yuraniki, ⁹haki nukutã haki dasirã. Haska inũ, Moisés hãtxa txibaĩ hawẽ nuku ibubis nũ pepahairakũkaĩkatsis ikaiwẽ en dayamıswẽ ea akama Cristo ewẽ nui eki nukutã ea xinã betsa wama ẽ ikũwãniwẽ taeshũ Deusũ hawena ea wakĩ ẽ txakabu ea buashunikẽ Jesus besti ẽ txibãkubainaii. ¹⁰Haskakĩ Cristo ana ẽ unãhairakatsis ikaii. Haska inũ, hawẽ Epa Deusũ mawabu ana bestẽwãti kuxipa ẽ hayakatsis iriaai. Haska inũ, ana haki dasihairanũ ika ha nuitapawanibu keska eari dateama mei mawakĩ ẽ txibãkatsis ikaii. ¹¹Txĩtuãma ẽ haskakũkainaya Jesusũ enabu hiweabu inũ mawabu mai anua nai anu hatu iyunũ ika huaya hatube dasikatsi ẽ manakubainaii.

Jesus txibaĩ pepakũkaini haki nukutikiaki, na hãtxarã

¹²Jesus besti txibãkatsis ibiai ẽ pepai keyuriamã inũ ẽ tapĩ keyuriamariki. Hakia pepa besti ẽ ikũkaĩshanũ Jesus Cristõ ea abukĩ ea katuniwẽ taea hawẽ xinã txibaĩ pepatã haki nukukatsis iki heneama manai ẽ txĩtũkiranamaki. ¹³Ë betsabũ inũ ẽ puibuũ, ẽ pepai keyuriamabia haska ẽ hiwea sheni ẽ ikũkaini hakimai txipu watã unuri ẽ hiwekũkatsis ikaiwẽ taea hariri uĩbaini bikabiakẽ nĩkamas ẽ txĩtuãmaki. ¹⁴Haska Jesus Cristowẽ nuku Deusũ yubani haska nai anua haki nukukĩ haria bishanũ ika nĩkamas Jesus ẽ dayashũkũkainaii.

¹⁵Tsuabũra nũ ma ikũwã kayabiai pepabunã, haska xinãnãkãwẽ. Ë xinaĩ keska tsuabũra habias keska mã haska xinãmakẽ haska ha hamapaikiri Deusũ yusĩkĩ matu uĩmakĩ matu unãmatiruki. ¹⁶Nũ ma haska tapĩmaburã, haskas xinãkĩ betsa wama txibãkubaĩkĩ heneyamanãkãwẽ.

Jesuswẽ taearã, nukũ mae kayabi nai anukiaki, na hãtxarã

¹⁷Ë betsabũ inũ ẽ puibuũ, haska ea inũ ea merabewamisbu nũ hiwekũkaikĩ nũ matu uĩmamis nukũ aka nũ haskai hiwemis nuku xinãkĩ txibãkĩ nuku mawakubaĩkãwẽ. ¹⁸Tsuabura itxapa matube hiweabũ hatũ hiwea sheni henekĩ betsa wakatsi ikama Cristo cruzki hatu mawashuni xinãma haki sinatai keska hiweabu haskabukiri hawẽtxaıs ẽ matu yuimiski. Natiã haska xinaĩ kashayabi ana hatukiri ẽ matuki txaniai. ¹⁹Ha yurabu haskaburã, nukũ Deuskiri xinãma habũ deusrã, pikekĩ pi bestimisburã, ha inũ, hawẽ kẽmisburã, yurabu hawẽ

dakebiaibũ habu dakeama hamapai txakabu na mai anua besti xinãkĩ abukĩ akubaĩmisbu hanu bari hawẽ heneaitiã habu benunũbarikanikiki, Deusũ hatu kupiarã. ²⁰Hakia nuku ikirã, nũ haskamaki. Nukũ mae kayabi nai anuki. Haska nũ manakaiburã, nukũ mekenika nukũ Shanẽ Ibu Jesus Cristo ana hushanai nũ manakakubainaii. ²¹Hanua hushũ habiaskari kuxipawẽ hamapai dasibi meke keyumistũ nukũ yura babu atimapa betsa wakĩ benawashanikiki, hawẽ yura txasha keska nuku wariakinã.

4 ¹Ë betsabu inũ ã puibuũ, ã matu abutxakayamai inũ, ã matuwẽ nuiai inũ, ã matuwẽ benimaiwẽ inũ, matuwẽ taeshũ Deusũ ea manakua ã bishanaiwẽ taea xinã ã matu ana uĩ kakatsis itxakayamaii. Ë matu haska xinãyã txitũama nukũ Shanẽ Ibu txibãpakekãwẽ.

Ikũwaĩbu haska xinã hiwetikiri Paulõ hatu yununikiaki, na hãtxarã

²Evõdia inũ Síntiqueẽ, nukũ Shanẽ Ibu ikũwaĩ mã nukũ puibu matuwẽ nuiki ã matu xinãi. Nukũ Shanẽ Ibu ebe mã dayashũbiamis mã yuãnanãrabeai ã matu nĩkairã, haskama menã daenamerikãwẽ, ã matu yunuairã. ³Haska inũ, miarã, mĩ txitũismawẽ taeshũ mia yununũ nĩkawe. Nukũ pui dabe Evõdia inũ Síntique ea hatu merabewashũshãwẽ, hau daenamenũbunã. Clemente inũ merabenanika betsabu ha aĩbu dabebetã Cristokiri kakape ã yusiãyã habũ ea putama ea merabewai bika teneriakubainibuki, haburã, hatũ kena tibi ha hiwekuĩti unaki ma hatũ kena Deusũ hatu kenekĩ netãnikirã.

⁴Nukũ Shanẽ Ibu ikũwaĩnã, benimarikãwẽ. Ana habias ã matu yuiai. Heneama benimarikãwẽ! ⁵Hau dasibibũ matu unãnũbũ ikũwaĩ pepabu ikubaĩkãwẽ, ma nukũ Shanẽ Ibu hua kemaikikirã.

⁶Haska inũ, ana hamapaiwẽ dabanã iyamakãwẽ. Hakia Deusbe hãtxakĩ yukai inũ kẽwaĩnã, mĩ hamapai hakiri shabakabi yui txanikubaĩkãwẽ. Hanushũ Deusũ matu nĩkashũ ashũkẽ hawẽ duapa kẽwãkubaĩkãwẽ. ⁷Mã haska waibu Deusũ unãnuma matu hiwemakĩ haska tsuã xinãkĩ nĩkatirumawẽ Deusũ hawẽ unãnumawẽ matũ huĩti inũ matũ xinã mekekubaĩshanikiki, Jesus Cristo nĩkakĩ mã txibaĩwẽ taeshunã.

⁸Ë betsabu inũ ã puibuũ, kenekĩ ã ma matu keyushunai ea nĩkairakãwẽ. Eska tibi pepa xinãkãwẽ. Dasibi hãtxa kayabi inũ, dasibiwẽ pepa wai nũ haki mesetiru inũ, dasibi nũ kanetiruma inũ, dasibi pepas inũ, dasibi hawẽ nũ xinã txãkãtiru inũ, dasibibu tsuara hawẽ pepawẽ kẽwãmisbu inũ, haska tibi hatukiri xinã kayabikubaĩkãwẽ, haskakĩ Deus benimawakinã.

⁹Ë hãtxa nĩkakĩ ea uĩkĩ hawara mã tapĩni inũ ã matu yusiũkubainima heneama txibãkubaĩkãwẽ, mã haskaibu nukũ Epa Deus unãnumatũ matu heneama merabewapakeshanikikirã.

Filipos anuabu Paulõ hatu kẽwãnikikiaki, na hãtxarã

¹⁰Bari betsatiã mã ea merabewani keskai mã ana ewẽ dabanã ikaya ã Shanẽ Ibuwẽ ã benimatxakayamaii. Haskakẽ mã ea hakimakiri ã

xinãmaki. Hakia matũ hawara mã ea bumatirubia natiã ã txaikẽ haska washũ mã hawaira ea merabewatirubumaki. ¹¹Haska inũ, na haska matuki txanirã: “Ë nuitapaikiri ea merabewai bekãwẽ”, ishũ ã matu yuiamaki. Hakia hawara ã haya inũ hawara ã hayama xinaĩ benimai haska tibi mei ã ma beyakũkainai. ¹²Haskai hiwetirã, ma ã unaiĩ, nuitapai hiweti inũ, nuitapama piti itxapaya hiweti inũ, hamapai bika betsa betsapa mei benimai inũ, buni tenei inũ, hanu piti itxapa hayakẽ nũ teshewai inũ hawa hayamakẽ ã nuitapairã, haska ã beyakũkainai, hawawẽ nui kemumarã. ¹³Hanushũ Cristõ ea kuxipa waya hawẽ taeshũ dasibi teneshũ ã akĩ keyushũtiruki. ¹⁴Ë haskabiaya matubunã, ewẽ nuikĩ ã bika teneai mã ea merabewakubainirã, mã ea haska wayamarã, matukirirã, peki.

¹⁵Hanu matũ mai pakea Macedõnia anua kashũ Deusũ kakape ã matu yusĩbaini ana mae betsa tibi anu ã yusĩkĩ taewakubainaya hanua matu anua ã kaĩkainaya ikũwaĩbu betsabũ ea merabewabumabiakẽ mã Filipos anuabũ besti matũ pei ea bumakĩ mã ea merabewaniki, haskai merabenãti ã matu yusĩma haska ã yusĩa txibãkĩ hiwea ã matu tapĩmaima hanushũ hawẽ taeshũ matũri mã ea merabewanibuki.

¹⁶Eska ea wakinã, Tessalõnica mae ewapa anushũ ã hatu yusĩayã hanu hawẽtxaĩs mã ea pei bumakubainibuki, hawẽ ã hamapai tibi ã binunã.

¹⁷Haskakẽ pei ã matu ea akamabia mã ea merabewamiswẽ taeshũ matũ pepa Deusũ hau matukiri ana xinãshanũ haska ã matukiri xinaĩ.

¹⁸Epafrõdito yunukĩ matũ pei mã ea bumaima dasibi ã bimaki. Hawẽ ã hamapai ã paka keyubia teshe ã hayayuaki. Haska inãkuĩ ea yunukinã, Templo anushũ inĩti pepa inĩhaira kuakĩ Deus inãbu haska shetei Deus benimamis keskai eari matuwẽ ã habiaskariaii. ¹⁹Mã ea merabewakĩ ea hawa yupawaismakenã, ã Epa Deus pepahairatũ matu manakukĩ matũ hamapai tibi matu inãkubainikiki, hawẽ bake Jesus Cristowẽ taeshũ matu duahairawakinã. ²⁰Haskakẽ nukũ Epa Deus pepahaira duawakĩ kewanãkãwẽ, heneamarã. Haskakirã.

²¹Ea ã Paulonã, ã matukiri pe xinãkĩ mã ma dasibi Jesus Cristõ enabu meribikẽ ã hãtxa ã matu bumaii. Nukubetã Jesus ikũwaĩbu ebe hiweabũri matukiri xinãkĩ hatũ hãtxa pepa matu bumariakanikiki. ²²Ha dikabi dasibi habũ Jesus ikũwaĩbu inũ Roma shanẽ ibuhairatũ hiwe anu dayashunaibũri hatũ hãtxa matu bumariakanikiki, matu xinaĩ matuwẽ nuikinã.

²³Nukũ Shanẽ Ibu Jesus Cristõ hau matu duawakĩ xinã txãkãwãkubainũwẽ.

Hatiski, ã hãtxarã.

Paulo